

CAMBRIA five WALLIA.

81

quos *Montgomerya* primum locum occupat. Hanc *Powisæ Principes* a tertio filio Rotherici magni prognati cum *Montgomerya*.
 aliis (licet Rogerus & Hugo Montgomerienses partē nonnullam abrafissent) perpetua serie ad Edwardi 1 1 *Imperium majo-*
 tempora tenuerunt. Tunc enim *Oënus* è Britannico sanguine ultimus Powisæ Dominus *Hawisiam* unicam filiā *rum*.
 reliquit , quam Ioannes Charletonus equestri dignitate Anglus duxit , & jure uxorio Dominus Powisæ ab Ed-
 wardo factus erat, qui Leonem rubrū erectum aureo in clypeo gerebat. Hujus heredes masculi ad quartam usq;
 progeniē hoc honore claruerunt, donec in Edwardo mascula successio abolita fuisset. *Merionithia* Giraldo Terra *Merionithia*.
filiorum Canani dicitur. Hanc Hugo Comes Cestrensis primus Normannorum dispositis prædiis occupavit , cū *Imperium majo-*
 Gruffinum filium Conani captivum teneret, sed postea ille hanc cum reliquo principatu recuperavit, posterisque *rum*.
 reliquit, donec fatali periodo confecta, in Leolino desuit. Supra Merionithiam jacet *Caernarvonsshire*. Cui statim a *Incolarum mo-*
 Normannorum in Britanniam ingressu *Gruffinus* Conani filius præfuit , qui cum influentes Anglorum in Wal- *res*.
 liam copias reprimere non potuisset, tempestati subinde cecidit; demumque cum sua integritate Regis Henrici 1 *Caernarvonsshire*
 gratiam redemisset, facile etiam ab Anglis sua recuperavit, polteritatieque reliquit ad *Leolinum* usque. Qui cum *Imperium majo-*
 fratres injuriis, & vicinos Anglos incursionibus irritasset , eo adductus fuit, ut hanc montanam Regionem cum *rum*.
 Mona, five Anglesea Insula , ab Edwardo 1 clientelari jure teneret, eoque nomine mille Marcas quotannis per-
 solveret. Quibus conditionibus cum postea non stare, sed suam perfidieque fratris pertinaciam , potius , quam
 spem sequutus, aleam belli denuo tentaret , interfectus & sibi & Britannorum in Wallia imperio finem attulit. *Denbighia*.
Denbighia sequitur. Hanc cum res Wallorum seditionibus, & Anglorū incursionibus in lapsum prona jam fuit *Imperium majo-*
 non poterat, *Comites Cestrie, Warrenia, Mortuomarii, Laccius & Grey*, primi Normannorū paulatim occuparunt, *rum*.
 & suis possidendam reliquerunt. Sequitur ultima Wallie provinciola Anglis *Flintshire*. Hujus agrum *Cestrenses Flintshire*.
Comites levia prælia ex occasione, & oportunitate cum Wallis conferentes , primi Normannorum sibi subjece- *Imperium majo-*
 runt. Sed cum illi jam defuissent, *Edwardus 1*. hanc & omnem Walliæ oram maritimam sibi tenuit. Interiora *rum*.
 Proceribus suis , ut visum erat , assignavit, consilium Augusti sequutus, qui validiores & exteriores provincias *Cambrorum*
 ipse suscepit, cæteras Proconsulibus sortito permisit. *Cambri*, ut testatur Humfredus Lhuydus , Anglos ve- *mores*.
 fitu imitantur, impatientes laborum, generisque nobilitate ferocientes, parce & duriter domi vitam agunt: ple-
 rique in Anglia se clientelæ & famulatio Regum & Nobilium dedunt, ad quæ supra quam dici potest sunt apti.
 Liberorum etiam educationi institutionique operā dant : quo fit ut nullus adeo in universa Cambria sit for-
 tuna tenui, qui non in Schola edoctus sit : peritiores Iuri operam dant , deque eo per totam Angliam respon-
 dent. Et quemadmodum olim gens (ut Tacitus refert) injuriarum impatientissima, continuis pugnis & homi-
 cidii inter se digladiabatur, ita nunc ob legum metum, quibus optime obediunt, supra omnes gentes, litibus &
 controversiis inter se, usque ad omnium bonorum consumptionem, contendunt. Sed de his satis.

L

CORNVBIA.